



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. LXI. De Expugnatione castri Christburg.

**urn:nbn:de:hbz:466:1-11850**

## CAP. LX.

*De**Resignatione pacis & Vastatione  
terra Cujavia.*

**E**Lapso modico temporis spatio Svvantepolcus iterum ingratu beneficio & multifariæ gratiæ, quam eidem in summa necessitate constituto, fratres sapius exhibuerant, occultè homines fratrum spoliavit, & modis variis perturbavit. Tandem resignans publicè pacem, incepit Christianos hostiliter persequi, sicut prius, & congregato exercitu valido, Cujaviam terram Ducis Casemiri intravit improvisè, & vastavit eam incendio & rapinà, & occisis multis Christianis, mulieres & parvulos cum aliarum rerum magno spolio secum duxit.

## CAPIT LXI.

*De**Expugnatione castri Christburg.*

**N**Ec dum idem Svvantepolcus satiatus sanguine Christiano, apposuit adhuc peccare, ut in iram Deum excelsum de nuò provocaret. Invidebat enim felicitati Fratrum in eo, quod castrum Pomesanorum nuper expugnaverant, & cogitavit, quomodo vindicaret. Congregavit ergò omnem potentiam exercitùs sui & Neophytorum Pruschiæ, & ut præmissum est, quia omni dolo plenus fuit, semper dolosè egit. Undè divisit exercitum suum in duas partes, ut una castrum antè invaderet, altera retrò. Processit itaque ipse cum una parte dicti exercitùs ad anteriorem partem infirmiore, & adeo infestus fuit

*Conradus Landgr. Thuring. V. Magister Gen. Ord. Teut.  
Henricus de Wida III. Magister Provinc. in Prussia.*

fuit in impugnando, quod fratres vix poterant defendere illam partem. Undè factum est, quod alia pars exercitus in posteriori parte sine aliquo defensionis obstaculo castrum subintravit. Sicque istiantè & retrò ipsos impugnaverunt, ita ut breviter concludendo omnes fratres cum eorum familia in ore gladii trucidarent.

CAP. LXII.

De

*Reædificatione castri Christburg.*

EX hoc lamentabili eventu Fratres & Magister perturbati consideraverunt, quod indomita colla istarum gentium non possent fidei subjugari, nisi in medio Nationis ejus perversæ haberent castrum, de quo ipsas quotidie impugnerent. Convocatâ iterum multitudine peregrinorum, qui continuè de partibus Almaniæ per prædicationem S. crucis confluebat. Preparatis omnibus, quæ ad ædificationem castrorum fuerunt necessaria, processerunt ad terram Pomesaniæ, immutantes locum, & non nomen, ædificaverunt (a) castrum Christburg in eo loco, in quo permanet usque in præsentem diem, ad laudem & gloriam JESU Christi, munientes ipsum omnibus, quæ ad custodiam castrorum fuerunt necessaria, relinquentes & ibi magnam potentiam armatorum. Postea in successu temporis locaverunt ibi circa castrum civitatem, ad quam inhabitandam confluebat multitudo fidelium, qui pro defensione fidei Christianæ quotidie intrepidè res & corpora exponebant.

ANIMADVERSIO.

(a) *New Christburg.* Castrum hoc jam ante An. 1249. fuisse conditum cognoscimus ex Privilegio Prussis Veteribus dicto anno, die 7. Id. Febr. à legato Pontificio dato ubi jam mentio fit novi & Veteris Christburg.

X 2

CAP.